

No.C.15016/2/2023/DCL(C)
OFFICE OF THE DEPUTY COMMISSIONER
LUNGLEI DISTRICT : MIZORAM
(General Branch)

Lunglei, the 5th of April, 2024

ORDER

Tun dinhmunah African Swine Fever (ASF) hri chu Mizoramah ziaawm lam a pan zel niin hriat a ni a, amaherawhchu he hri (ASF) hi engtiklai pawh a leng leh thut thei anih avangin, Lunglei District chhungah pawh he hri hi a len chhunzawm zel loh nan leh vawk vulha eizawngtute vawk an lo him zel theih na'n thupek chhuah a tul a hriat a ni a.

Chuvangin kei, **Ramdinliani, District Magistrate, Lunglei District** hian **Section 144 of CrPC 1973** in thuneihna min pek angin a hnuai mi ang hian thupek ka chhuah e:-

1. Lunglei District chhungah ram dang leh state dang atangin vawk leh vawksa rep lakluh khap tlat a ni.
2. ASF len lohna state-a APEDA in a pawmpui farm atangin vawksa atanga siam (frozen pork) lak phal a ni. Amaherawhchu, SOP zawm chungin Director, AH&Vety Department phalna lak hmasak tur a ni.
3. Lunglei District huamchhungah ASF hrilen lohna khua/vengte inkarah chauh vawk leh vawksa inlak tawn theih a ni, chutiangan ASF hri len lohna District dang atang chauhin vawk leh vawksa lakluh theih a ni.
4. ASF hri avanga '*Infected Area-a*' puan tawhnaah ASF avanga vawk thi thla 1 (khat) chhung a awm tawh loh chuan vawk talh leh a sa zawrh phal a ni ang.
5. ASF avanga vawk thite awmna in/hmun/farm ngun taka disinfectant hmanga sawngbawla tihfai tawhna hmun chu thla 3 (thum) ral hnuah vawk dah luh theih a ni.
6. Vawk tana hri hlauhawm a len mai loh nan vantlang kawng leh ram hrulah vawk talh leh sawngbawl phal a ni lo.
7. Chhan leh vang hriatloh avanga vawk thi reng reng VC/YMA kaltlangin AH & Vety Department hotute hnenah thlen/hriattir vat thin tur a ni a, chutianga thi reng reng chu paih mai lovin chinai nen thuk taka phum tur a ni.

He thupek hian chhuah a nih atanga ni 60 (sawmruk) chhung a huam anga, thupek zawm lote chu IPC Section 188 hmangin hrem theih an ni ang.

He thupek hi vawiin **April ni 5, 2024** hian District Magistrate seal-a nemnghetin ka hming ka ziah hnan e.

Sd/- RAMDINLIANI
District Magistrate
Lunglei District : Mizoram

